

Fraccion MEP

Awe 15 di januari MEP ta recorda e di 25 aña di fayecimento di Guillermo Trinidad

ORANJESTAD - Guillermo Trinidad a nace dia 25 di juni 1939 y a fayece dia 15 di januari 1991. Na bida e tabata diputado di Teritorio Insular di Aruba, miembro di Parlamento di Antias, miembro di Consejo Insular di Aruba y miembro di Parlamento di Aruba. Na momento cu Guillermo

a fayece e tabata ocupa e funcion di **Ministro di Financia di Aruba**.

Fayecimento di Guillermo Trinidad a cay manera un bom na Aruba y en special den seno di su coleganan minister di Gabinete Oduber I y di MEP. Un y tur por corda ainda cu hustamente hungando bala den e team di futbol forma pa

su colega ministernan, cu Guillermo despues di e partido di futbol aki a sufri un atake di curason y cu a conduci na su fayecimento repentino.

Como Minister di Financia Guillermo Trinidad a maneha e cartera aki den un forma profesional, cu hopi dedicacion, integridad y sabiduria. Sin duda cu e tabata tin su contribu-

cion grandi na desaroyo di pais Aruba. Na aña 1994 Gabinete Oduber II a duna reconocimiento na Guillermo Trinidad pa motibo di duna e stadion cu ta keda den su pueblo di Dakota e nomber di Compleho Deportivo Guillermo Prospero Trinidad pa asina e futuro generacionnan keda recorda e gran politico aki. □

